



KJU DOM ZA DJECU
BEZ RODITELJSKOG STARANJA SARAJEVO

Broj: 3018/25

Datum: 08.12.2025. godine

Na osnovu člana 57. Zakona o zaštiti ličnih podataka Bosne i Hercegovine ("Službeni glasnik Bosne i Hercegovine", br. 12/2025) i člana 22. Pravila KJU Dom za djecu bez roditeljskog staranja, direktor donosi

ODLUKU

o uspostavljanju i pravilima obrade ličnih podataka dobivenih putem videonadzora u objektima koje koristi KJU Dom za djecu bez roditeljskog staranja

Član 1.

(Predmet odluke)

Ovom Odlukom se uspostavlja videonadzor u objektima koje koristi KJU Dom za djecu bez roditeljskog staranja (u daljem tekstu: Dom), utvrđuje se njegova svrha i opravdanost, te utvrđuju pravila prikupljanja, obrade, načina korištenja i davanja prikupljenih podataka zajedno sa načinom i rokovima čuvanja istih.

Član 2.

(Svrha)

- (1) Videonadzor se uspostavlja radi zaštite sigurnosti korisnika smještaja, radnika i posjetilaca Doma.
- (2) Pored svrhe iz stava (1) ovog člana videonadzor se uspostavlja i koristit će se u svrhe unaprijeđenja sigurnosti objekata i imovine, te spriječavanja protuprovalnih radnji usmjerenih prema imovini Doma, kao što su krađe, provale, uništenja i oštećenja imovine Doma i slično.

Član 3.

(Obim i mjera)

- (1) Videonadzor iz člana (1) ove Odluke uspostavlja se u objektima koje koristi Dom i to:
 - a) u objektu koji se nalazi na adresi Bjelave 52,
 - b) u objektu koji se nalazi na adresi Ajvaz Dedina 15;
 - c) u objektu koji se nalazi na adresi Maršala Tita 12
 - d) u objektu koji se nalazi na adresi Blagovac 118.
- (2) Videonadzor u objektu na adresi Bjelave 52 obuhvata unutrašnje kamere (11 kom), vanjske kamere (10 kom.), monitore (2 kom.) i uređaj za pohranu video zapisa - snimač (1 kom.).
- (3) Videonadzor u objektu na adresi Ajvaz Dedina 15 obuhvata 4 vanjske kamere.
- (4) Videonadzor u objektu na adresi Maršala Tita 12 obuhvata 1 vanjsku kameru.
- (5) Videonadzor u objektu na adresi Blagovac 118 obuhvata 4 vanjske kamere.
- (6) Korisnici smještaja, radnici i posjetioc i će biti obavješteni o vršenju videonadzora putem oznake videonadzora koja će biti postavljena na vidnom mjestu odnosno na ulazu u videokrug snimanja.

- (7) Oznaka o videonadzoru sadrži sljedeće informacije: da je prostor pod videonadzorom, podatke o kontroloru podataka, odnosno obrađivaču i kontakt-podatke putem kojih nosilac podataka može ostvariti svoja prava.

Član 4.

(Položaj i opseg snimanja videonadzora)

(1) Uspostava videonadzora, instaliranje, obrada i čuvanje podataka izvršena je u skladu sa Zakonom o zaštiti ličnih podataka Bosne i Hercegovine ("Službeni glasnik Bosne i Hercegovine", br. 12/2025).

(2) Videonadzor se vrši na način da se nadziru pristupi objektima koji su navedeni u članu 3. odluke, ulazi i izlazi, a za pojedine objekte iz člana 3. nadziru se i druge prostorije i površine za koje je procijenjeno da je to nužno zbog povećanja nivoa sigurnosti korisnika, radnika i imovine Doma, a sve u skladu sa Zakonom o zaštiti ličnih podataka Bosne i Hercegovine.

(3) Za objekat na adresi Bjelave 52 videonadzorom se nadzire:

- a) Glavni ulaz u krug Doma, zbog kontrole ulaska u krug Doma – 1 vanjska kamera
- b) Parking u krugu Doma, zbog sigurnosti imovine Doma – 2 vanjske kamere
- c) Igralište sa tribinama, zbog podizanja nivoa sigurnosti korisnika, radnika, posjetilaca i sigurnosti imovine Doma – 1 vanjska kamera
- d) Igralište sa pijeskom i popratnim mobilijarom, zbog podizanja nivoa sigurnosti korisnika, radnika, posjetilaca i sigurnosti imovine Doma – 2 vanjske kamere
- e) Vanjski prostor u kojem se nalazi agregat, zbog kontrole ulaska u objekat i sigurnosti imovine Doma – 1 vanjska kamera
- f) Ulaz u objekat u kojem je uspostavljen Servis za pružanje podrške porodicama i djeci, zbog kontrole ulaska u objekat – 1 vanjska kamera
- g) Vanjski prostor iza objekta u kojem su postavljeni kontejneri, zbog sigurnosti imovine Doma – 1 vanjska kamera
- h) Prilaz protupožarnim stepenicama, ulaz u skladišni prostor i izlaz iz kuhinje, zbog kontrole ulaska u objekat i sigurnosti imovine Doma – 1 vanjska kamera
- i) Portirnica, zbog kontrole ulaska u objekat i sigurnosti imovine Doma – 1 unutrašnja kamera
- j) Ulaz u centralnu kuhinju i dio centralne kuhinje koji vodi prema izlazu do skladišnog prostora, zbog kontrole ulaska, te sigurnosti radnika i imovine Doma – 1 unutrašnja kamera
- k) Hodnik koji vodi od centralne kuhinje do prostorija gdje se skladišti roba, zbog sigurnosti imovine i kontrole ulaska u objekat – 1 unutrašnja kamera
- l) Glavna prostorija Servisa za pružanje podrške porodicama i djeci, zbog podizanja nivoa sigurnosti korisnika – 1 unutrašnja kamera
- m) Hodnik na prvom spratu koji vodi do lifta, kancelarijskog prostora i Prihvatišta za djecu zbog podizanja nivoa sigurnosti korisnika i radnika te sigurnosti imovine Doma - 2 unutrašnje kamere
- n) Polivalentni prostor zbog podizanja nivoa sigurnosti korisnika, radnika i posjetilaca Doma - 1 unutrašnja kamera
- o) Hodnik na drugom spratu koji vodi do lifta, ulaza na odjel 2 (gdje su smješteni korisnici uzrasta od 5-16 godina - raniji naziv Jasličko odjeljenje) i ulaza u prostorije koje se koriste za Montessori program, zbog podizanja nivoa sigurnosti korisnika i radnika te sigurnosti imovine Doma – 1 unutrašnja kamera

- p) Hodnik na trećem spratu koji vodi do lifta, ulaza na odjel 1 (odjeljenje na kojem su smješteni korisnici od 0-5 godina) i ulaza na odjel Dnevni centar za djecu, zbog podizanja nivoa sigurnosti korisnika i radnika te sigurnosti imovine Doma - 1 unutrašnja kamera
- q) Hodnik unutar odjela 1 koji vodi do prostorija na kojem su smješteni najmlađi korisnici uzrasta od 0-5 godina, zbog podizanja nivoa sigurnosti korisnika – 2 unutrašnje kamere
- (4) Za objekat na adresi Ajvaz Dedina 15 videonadzorom se nadzire:
- Prilaz/ulaz u objekat, zbog kontrole ulaska u objekat odnosno radi sigurnosti korisnika i imovine Doma – 1 vanjska kamera
 - Vanjski prostor sa bočnih strana objekta, zbog sigurnosti korisnika i imovine Doma - 2 vanjske kamere
 - Vanjski prostor iza kuće, zbog sigurnosti korisnika imovine Doma - 1 vanjska kamera
- (5) Za objekat na adresi Maršala Tita 12 videonadzorom se nadzire:
- Ulaz u stan u kojem su smješteni korisnici Doma, zbog kontrole ulaska u objekat odnosno radi sigurnosti korisnika -1 unutrašnja kamera
- (6) Za objekat na adresi Blagovac 118 videonadzorom se nadzire:
- Prilaz/ulaz u objekat, zbog kontrole ulaska u objekat odnosno radi sigurnosti korisnika i imovine Doma – 1 vanjska kamera
 - Vanjski prostor sa bočnih strana objekta, zbog sigurnosti korisnika i imovine Doma - 2 vanjske kamere
 - Vanjski prostor iza kuće, zbog sigurnosti korisnika i imovine Doma - 1 vanjska kamera

Član 5.

(Način čuvanja i upotreba podataka)

- (1) Uređaj za snimanje i glavni monitor nalaze se na prvom spratu (kabinet direktora), u kancelariji pored sale za sastanke. Pristup snimaču ima Direktor i Šef službe za tehničke poslove.
- (2) Monitoring videonadzorom imaju portiri Doma putem monitora unutar prostora portirnice i direktor Doma putem monitora koji se nalazi uz uređaj za snimanje.
- (3) Snimke nastale korištenjem aplikacije za videonadzor pohranjene na snimaču koristit će se u skladu sa njihovom namjenom, odnosno u skladu sa Zakonom o zaštiti ličnih podataka, kao i propisima koji regulišu zaštitu ličnih podataka.
- (4) Podaci dobiveni putem videonadzora mogu se prenijeti tužiocu i ovlaštenom službenom licu nadležnog policijskog organa na CD-u ili USB-u, i to isključivo na osnovu pismenog službenog zahtjeva i/ili naredbe, u skladu sa odredbama Zakona o krivičnom postupku.
- (5) Svako ustupanju podataka koji su dobivene videonadzorom dokumentovat će se zapisnikom u kojem će biti evidentirani lični podaci koji su dati i svrha za koju su ustupljeni.
- (6) Uređaj za snimanje će biti zaštićen od pristupa neovlašćenih lica.

Član 6.

(Vršenje videonadzora)

- (1) Snimak videonadzora obuhvata video zapis koji sadrži sliku, datum i vrijeme.
- (2) Podaci prikupljeni putem videonadzora ne smiju se koristiti izvan zakonske namjene.

Član 7.
(Ograničenja)

- (1) Videonadzor se ne provodi u prostorijama u kojima bi se narušila privatnost lica (kancelarije, sobe korisnika smještaja, sanitarne i druge prostorije koje nisu navedene u članu 3. Odluke)
- (2) Sistem videonadzora može se upotrebljavati samo u skladu sa svrhom propisanom ovom Odlukom.
- (3) Podaci prikupljeni sistemom videonadzora ne smiju se koristiti suprotno Zakonu o zaštiti ličnih podataka i suprotno svrhi za koju je uspostavljen videonadzor.

Član 8.
(Rok čuvanja)

Videozapis obuhvata kontinuirani period snimanja zadnjih 40 uzastopnih dana nakon čega se isti automatski briše, osim u slučaju kada su potrebni kao dokaz u Zakonom propisanom postupku.

Član 9.
(Ovlaštena lica)

- (1) Ovlaštena osoba za uvid u pohranjene snimke videonadzora je:
 - Direktor Doma,
 - Šef službe za tehničke poslove
- (2) Ovlaštena lica su dužna postupati u skladu sa propisima o zaštiti ličnih podataka.

Član 10.
(Stavljanje van snage)

Donošenjem ove Odluke stavlja se van snage Odluka o uspostavljanju i vršenju videonadzora u KJU Dom za djecu bez roditeljskog staranja, broj: 3190/18 od 22.11.2018.godine.

Član 11.
(Stupanje na snagu)

Ova Odluka stupa na snagu danom donošenja i objavit će se na oglasnoj ploči i web stranici Doma.



DIREKTOR

Muhamed Musić

Dostaviti:

- Oglasna ploča
- Web stranica
- Služba pravnih, kadrovskih i općih poslova
- a/a